

Gleich wie ich auch pfleg nützlich seyn/  
 Wo man brauchet die Feder mein/  
 Auch meine Klawen/ vnd das best/  
 Wo man ausraumet mir mein Nest/  
 Da findet man viel rothes Gold/  
 Welchem der Mensch ist hefftig hold/  
 Damit man mehr ausrichten kan/  
 Als mit viel tausendt gharnische Mann.  
 Also merck auch/ das Druckeren/  
 In diesem mir ganz ehnlich sey.  
 Sie hat Teutschland groß Frommen bracht/  
 Vnd viel gelehrter Leut gemacht.  
 Durch Druckeren ist in Teutschland/  
 Kommen allerley Kunst Auffstand/  
 Welche müssen alle Regiment  
 Brauchen/ vnd haben alle Ständ.  
 Nützlich ist jedes Handwerck zwar/  
 Man kan der nicht gerathen gar:  
 Nützlich ist alles/was Gott gebt  
 In diesem zergänglichchen Lebn:  
 Aber der Nutz/ so da kompt raus/  
 Kan niemand gnugsam sprechen auß.  
 Gottes Will/Gottes Wort/Gottes Thaten all/  
 Die Druckeren bringt recht in Schall.  
 Die himlische Gerechtigkeit/  
 Vnd Ampt Weltlicher Obrigkeit/  
 Wird aus der Druckeren fürgestellt/  
 Daß recht regieret werd die Welt.

Gold vermag  
viel.

Druckeren  
hat Teutsch-  
land viel Ge-  
nutz.  
Jederman  
hat Nutzen  
von gedruck-  
ten Büchern.

Anderer Hand  
werck seynd  
auch nötig.

Aber von  
Druckeren  
kompt welt-  
läufftigerer  
Nutz.

J v

Gleich